

Inatsisartut suleriaasianni § 33 naapertorlugu aalajangiiffigisassatut siunnersuut manna matumuuna saqqummiunneqarpoq:

Tasiilami ingerlariaqqilluni ilinniarfissamik tunumiut oqaasii, kulturiat oqaluttuarisaanerallu aallaavigalugit pilersitsinissamut periarfissanik Naalakkersuisut misissueqqullugit peqquneqarnissaannik Inatsisartut aalajangigassaattut siunnersuut. Misissuinerup inerneru kingusinnerpaamik UPA2026-mi Inatsisartunut saqqummiunneqassapput.

(Inatsisartunut ilaasortaq Gerth Mikaelson, Naleraq)

Tunngavilersuut:

Tasiilami ilinniarfissamik pilersitsinissamut tunumiunut innuttaasunut angusassamik toraagalimmik periarfissamik misissuinissamut aallartitsinissamik Naalakkersuisut peqquneqarnissaat pillugu uani siunnersuutaavoq.

Piffimmut pissutsinut pisariaqartitaannullu tullussaakkamik ilinniaqqiffissamik neqerooruteqarsinnaanermut ineriartortitsinissamut aamma periarfissanik erseqqissaassuteqartussamut tunumiut oqaasii, kulturiat oqaluttuarisaanerallu aallaavigalugit misissuinissaq aallaaveqassaaq.

Misissuineq minnerpaamik imaqassaaq:

- misissueqqissaarneq Nunatta Kangiani piffimmi ilinniaqqinnissamut neqeroorutini pisariaqartitsineq pillugu
- ilinniaqqiffiusinnaasunut periarfissanut siunnersuutit (soorlu inuuussutissarsiornermut ilinniarfiit, ingerlariaqqilluni ilinniarfiit naatsut imaluunniit ilinniaqqinnissamut aqutit naleqquttut allat)
- ilinniarfissamut pilersitsinissamut ilusilersuinnarlugu titartagaq, sumiissinnaanerannullu aamma titartakkat
- sanaartornermut- ingerlatsinermullu aningaasartuutitut missingersuut
- aningaasaliissuteqarnissamut pilersaarut nunatsinniit aamma nunanit allanit aningaasaliissuteqarsinnaasunut periarfissaasinnaasut
- Kalaallit Nunaanni ilinniaqqiffissat pioreersut suleqatigineqarsinnaaneritut isumaliutigininnerit
- Tunumiut oqaasii, kulturiat oqaluttuarisaanerallu aallaavigalugit qanoq ilinniartitsineq aallaaveqarsinnaanersoq nalilersorlugu

Misissuinerup inerneru kingusinnerpaamik UPA2026-mi Inatsisartunut saqqummiunneqassapput.



Oqartussanut aningaasaqarnikkut allaffissornikkullu kingunerisassai

Allannguutissatut siunnersuutip suliarineqarnera nalinginnaasumik AC-fuldmægtigip ukiup affaanut sulisinneqarneranut 250.000 koruunit missaanik naleqassaaq.

Namminersortunut inuussutissarsiuteqartunullu aningaasaqarnikkut allaffissornikkullu kingunerisassai

Soqanngilaq.

Innuttaasunut aningaasaqarnikkut allaffissornikkullu kingunerisassai

Soqanngilaq.